



Broj: 02-30-1200/24-AP-3  
Datum: 17.2.2025.. godine

Na osnovu člana 52. stav (1) tačka 3) Zakona o organizaciji uprave („Službene novine Federacije BiH“, broj: 35/05), člana 15. stav (1) alineja 8. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 8. stav (1) tačka b) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine ZDK“, broj: 8/06), člana 12. i 15. Privremene Statutarne Odluke Grada Zavidovići („Službeni glasnik općine Zavidovići“, broj: 4/22) i člana 39. stav (1) tačka 12) Statuta općine Zavidovići („Službeni glasnik općine Zavidovići“, broj: 5/2008, 5/a/2008 i 11/2019), Gradonačelnica d o n o s i

## P R A V I L N I K

o izmjenama i dopunama Pravilnika o unutrašnjoj organizaciji  
jedinstvenog gradskog organa uprave Grada Zavidovići

### Član 1.

U Mikro šemi Pravilnika o unutrašnjoj organizaciji jedinistvenog gradskog organa uprave Grada Zavidovići („Službeni glasnik Općine Zavidovići“, broj: 1/2022 i 2/2022, „Službeni glasnik Grada Zavidovići“, broj: 2/2022, 5/2022, 5/2023, 11/2023, 13/2023 i 4/2024 – u daljem tekstu: Pravilnik) u članu 21. iza stava (2) Urbanističko-građevinski inspektor dodaje se novi stav (3), koji glasi:

„(3) Građevinski inspektor

Opis poslova:

- Vršiti inspeksijski nadzor u oblasti građenja, pri čemu inspektor provjerava:
- da li se gradnja objekta na određenom području vrši u skladu sa planom i drugim urbanističko-građevinskim uslovima i propisima za to područje,
- da li se građenje objekta vrši u skladu sa posebnim uslovima propisanim Zakonom o prostornom uređenju i građenju,
- da li se i drugi radovi na posebno zaštićenom ili ugroženim područjima vrše u skladu sa Zakonom o prostornom uređenju i građenju,
- da li građevina ili drugi objekat zbog fizičke dotrajalosti, elementarne nepogode i drugih razloga može i dalje da služi svojoj namjeni, odnosno da li iz istih razloga postoji opasnost po život i zdravlje ljudi, saobraćaj ili okolne objekte,
- da li je odobrenje za građenje izdato u skladu sa planom i drugim urbanističkim uslovima propisanim za građenje,

- druge poslove iz nadležnosti propisane Zakonom o prostornom uređenju i građenju,
- prati propise Bosne i Hercegovine, Federacije Bosne i Hercegovine, Zeničko-dobojskog kantona i Grada Zavidovići iz nadležnosti građevinske inspekcije i obavještava pomoćnika načelnika o mjerama koje će poduzimati,
- predlaže donošenje propisa Grada Zavidovići iz nadležnosti koju nadzire i aktivno učestvuje u izradi tih propisa,
- vrši kontrolu primjene propisa iz nadležnosti nadzora građevinske inspekcije,
- zabranjuje obavljanje radnji kojima se povređuju propisi iz nadležnosti nadzora građevinske inspekcije,
- naređuje otklanjanje nedostataka i nepravilnosti, te naređuje poduzimanje odgovarajućih radnji u cilju poštivanja propisa iz nadležnosti građevinske inspekcije,
- podnosi prijave i izvještaje nadležnim organima,
- podnosi zahtjeve za pokretanje prekršajnih postupaka i izdaje prekršajne naloge,
- izrađuje analize, izvještaje, informacije iz oblasti nadzora građevinske inspekcije i uspostavlja saradnju sa drugim organima iz ove oblasti,
- izrađuje mjesečne, šestomjesečne, godišnje i druge po nalogu izvještaje o svom radu,
- saraduje sa inspekcijama viših nivoa vlasti i inspekcijama iz drugih oblasti,
- obavlja poslove u komisijama, timovima i radnim grupama koje imenuje Gradonačelnik,
- provodi usvojenu politiku Sistema kvaliteta i zaštite okoliša u okviru svojih poslova,
- obavlja i druge poslove iz nadležnosti Službe po nalogu gradonačelnika i pomoćnika gradonačelnika, a u skladu sa stepenom stručne spreme, složenosti poslova, prirodom radnog mjesta, te posebnim uslovima koje državni službenik posjeduje za izvršavanje poslova čije izvršenje se nalaže.

Radno mjesto:	Državni službenik,
Grupa u poslovima osnovne djelatnosti:	Upravno-nadzorni poslovi,
Pozicija:	Građevinski inspektor,
Složenost poslova:	Najsloženiji,
Stepen školske spreme:	VSS – VII stepen ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova,
Vrsta školske spreme:	Diploma visokog obrazovanja građevinske i arhitektonske struke
Posebni uslovi:	Položen stručni ispit ili ispit općeg znanja, položen stručni ispit iz oblasti arhitekture i građevinarstva, poznavanje rada na računaru, 5 godina radnog iskustva u struci nakon položenog stručnog ispita iz oblasti arhitekture i građevinarstva,
Radni staž:	3 godine
Broj izvršilaca:	1 (jedan) izvršilac

Dosadašnji stavovi (3), (4), (5), (6), (7), (8), (9) i (10) postaju stavovi (4), (5), (6), (7), (8), (9), (10) i (11).

## Član 2.

Članovi 1. i 11. Pravilnika o izmjenama i dopunama Pravilnika o unutrašnjoj organizaciji jedinog gradskog organa uprave Grada Zavidovići („Službeni glasnik Grada Zavidovići“, broj: 4/24), se brišu.

## Član 3.

U Makro šemi Pravilnika, poglavlje II - SLUŽBA ZA UPRAVU PRIVREDE, LOKALNI RAZVOJ, INFRASTRUKTURU I MEĐUNARODNU SARADNJU iza rednog broja 2. dodaje novi redni broj 3. tako da se u koloni 2. „Radno mjesto, Pozicija radnog mjesta upisuje „Građevinski inspektor“, u koloni 3. „Broj izvršioca “ upisuje „1“, u koloni 4 „Stepen stručne spreme“ upisuje „VSS–VII stepen ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova“, u koloni 5. „Vrsta stručne spreme“ upisuje „Diploma visokog obrazovanja građevinske i arhitektonske struke“, u koloni 6. „Radni staž na poslovima svoje struke“ upisuje „ 3 godine, i u koloni 7. „Posebni uslovi“ upisuje „Položen stručni ispit ili ispit općeg znanja, položen stručni ispit iz oblasti arhitekture i građevinarstva, poznavanje rada na računaru, 5 godina radnog iskustva u struci nakon položenog stručnog ispita iz oblasti arhitekture i građevinarstva.

Dosadašnji redni brojevi 3., 4., 5., 6., 7., 8., 9. i 10. postaju redni brojevi 4., 5., 6., 7., 8., 9., 10. i 11.

## Član 4.

Ovaj Pravilnik stupa na snagu prvog narednog dana od dana objavljivanja u „Službenom glasniku Grada Zavidovići“.

GRADONAČELNICA

mr.iur. Erna Merdić Smailhodžić

## OBRAZLOŽENJE

### USTAVNOPRAVNI I ZAKONSKI OSNOV ZA UVOĐENJE PRAVILNIKA

U članu 52. stav (1) tačka 3) Zakona o organizaciji uprave u Federaciji Bosne i Hercegovine („Službene novine Federacije BiH“, broj: 35/05) propisano je: „Pravilnik o unutrašnjoj organizaciji organa i organizacija iz stava 1. člana 51. ovog Zakona donose općinski načelnik za općinske organe uprave i općinske upravne organizacije, uz saglasnost općinskog vijeća“.

U članu 15. stav (1) alineja 8. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) propisano je: „Načelnik/ca u okviru svoje nadležnosti donosi pravilnik o unutrašnjoj organizaciji službi jedinice lokalne samouprave“.

U članu 8. stav (1) tačka b) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine ZDK“, broj: 8/06) propisano je: „Pravilnike iz člana 1. ove Uredbe donose i to: općinski načelnik za općinske organe uprave, općinske upravne organizacije i službe uz saglasnost općinskog vijeća“.

U članu 39. stav (1) tačka 12. Statuta općine Zavidovići („Službeni glasnik općine Zavidovići“, broj: 5/2008, 5/a/2008 i 11/2019) propisano je: „Općinski načelnik kao nosilac izvršnih poslova u okviru samoupravnog djelokruga Općine, u okviru svoje nadležnosti, donosi Pravilnik o unutrašnjoj organizaciji općinskih službi“.

### RAZLOZI ZA UVOĐENJE PRAVILNIKA I OBJAŠNJENJE ODABRANE POLITIKE

Članovima 1. i 11. Pravilnika o izmjenama i dopunama Pravilnika o unutrašnjoj organizaciji jedinstvenog gradskog organa uprave Grada Zavidovići („Službeni glasnik Grada Zavidovići“, broj: 4/24), brisano je radno mjesto Stručni saradnik za poljoprivredu u Službi za upravu poljoprivrede, vodoprivrede i komunalnih poslova.

Rješenjem Odbora državne službe Federacije BiH broj: 01-30-674/24 od 31.12.2024.godine je poništene Objava u oglasnom dijelu Službenih novina Federacije BiH, broj: 43/24 od 12.06.2024.godine, kao i na web stranici Agencije: [www.adsfbih.gov.ba](http://www.adsfbih.gov.ba) o poništenju dijela Javnog konkursa za popunu radnih mjesta državnih službenika u Gradu Zavidovići.

Takođe je predmetnim Rješenjem poništeno Obavještenje Agencije za državnu službu Federacije Bosne i Hercegovine broj: 09-30-8-150-205/20 od 14.06.2024.godine i predmet vraćen na ponovni postupak.

Služba za upravu privrede, lokalni razvoj, infrastrukturu i međunarodnu saradnju dostavila je Obavijest broj: 03-45-9-25/25 od 16.01.2025.godine.

U predmetnoj Obavijesti navedeno je da Urbanističko-građevinski inspektor Zuhra Halilović u mjesecu februaru ispunjava uslove za penziju, da se trenutno nalazi na godišnjem odmoru, koji će koristiti do odlaska u penziju, da su neki postupci započeti od strane imenovane a da nisu okončani, da je potrebno odrediti lice koje će biti ovlašteno da navedene postupke završi., kao i da svakodnevno pristižu novi zahtjevi za pokretanje i rješavanje postupaka iz nadležnosti Urbanističko-građevinskog inspektora.

### USKLAĐENOST ODLUKE S KANTONALNIM I FEDERALNIM ZAKONODAVSTVOM

U postupku donošenja ovog Pravilnika nije tražena saglasnost Gradskog vijeća Zavidovići kako to propisuju Zakon o organizaciji organa uprave u Federaciji Bosne i

Hercegovine i Uredba o načelima za utvrđivanje unutrašnje organizacije kantonalnih i općinskih organa uprave i upravnih organizacija u Zeničko-dobojskom kantonu, zbog primjene načela lex specialis jer Zakonom o principima lokalne samouprave u Federaciji Bosne i Hercegovine nije propisana obaveza traženja saglasnosti Gradskog vijeća Zavidovići koji se smatra specijalnim zakonom u odnosu na naprijed nabrojane.

## OBRAZLOŽENJE PRAVNIH RJEŠENJA U PRAVILNIKU

Članom 1. ovog Pravilnika sistematizovano je novo radno mjesto Građevinski inspektor u Službi za upravu privrede, lokalni razvoj, infrastrukturu i međunarodnu saradnju imajući u vidu da državnim službeniku, koji obavlja poslove radnog mjesta Urbanističko-građevinski inspektor, prestaje radni odnos iz razloga sticanja uslova za penziju u februaru 2025.godine.

Članom 2. ovog Pravilnika bisani su članovi 1. i 11. Pravilnika o izmjenama i dopunama Pravilnika o unutrašnjoj organizaciji jedinstvenog gradskog organa uprave Grada Zavidovići („Službeni glasnik Grada Zavidovići“, broj: 4/24), iz razloga što je Rješenjem Odbora državne službe Federacije BiH broj: 01-30-674/24 od 31.12.2024.godine poništena Objava u oglasnom dijelu Službenih novina Federacije BiH, broj: 43/24 od 12.06.2024.godine, kao i na web stranici Agencije: [www.adsfbih.gov.ba](http://www.adsfbih.gov.ba) o poništenju dijela Javnog konkursa za popunu radnih mjesta državnih službenika u Gradu Zavidovići, koji se odnosio na radno mjesto Stručni saradnik za poljoprivredu u Službi za upravu poljoprivrede, vodoprivrede i komunalnih poslova

## PROVEDBENI MEHANIZMI I NAČIN OSIGURAVANJA POŠTIVANJA PRAVILNIKA

Mehanizmi za provođenje ovog Pravilnika osigurani su u Zakonu o državnoj službi u Federaciji Bosne i Hercegovine („Službene novine FBiH“, broj: 29/03, 23/04, 39/04, 54/04, 67/05, 8/06 i 4/12), Zakonom o namještenicima u organima državne službe u Federaciji Bosne i Hercegovine („Službene novine FBiH“, broj: 49/05 i 103/21) i Pravilniku o radnim odnosima u Općini Zavidovići („Službeni glasnik općine Zavidovići“, broj: 1/2022) kroz postupak, internog premještanja, internog konkursa i javnog konkursa prilikom popune radnih mjesta koja su predmet ovog Pravilnika.

## OBRAZLOŽENJE FINANSIJSKIH SREDSTAVA ZA PROVOĐENJE PRAVILNIKA I FINANSIJSKI EFEKTI PRAVILNIKA

Za provođenje ovog Pravilnika je potrebno obezbjediti dodatna finansijska sredstva u Budžetu Grada Zavidovići.

## OPIS KONSULTACIJA VOĐENIH U PROCESU IZRADE PRAVILNIKA

U skladu sa članom 12. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) dostavljen je Sindikalnoj organizaciji državnih službenika i namještenika Grada Zavidovići Nacrt Pravilnika o izmjenama i dopunama Pravilnika o unutrašnjoj organizaciji jedinstvenog gradskog organa uprave Grada Zavidovići na razmatranje i davanje mišljenja po istom.

GRADONAČELNICA

mr.iur. Erna Merdić Smailhodžić

Akt pripremio: \_\_\_\_\_  
(Naila Jusupović)

Akt pregledao: \_\_\_\_\_  
(Nermin Čahtarević)

